

SINDIKAT SREDNJEG I VISOKOG  
OBRAZOVANJA, ODGOJA, NAUKE I  
KULTURE BOSNE I HERCEGOVINE

KANTONALNI ODBOR  
KANTON SARAJEVO



TRADE UNION OF THE SECONDARY  
SCHOOL AND HIGHER EDUCATION  
EMPLOYEES, BREEDING, SCIENCE  
AND CULTURE OF BOSNIA AND  
HERZEGOVINA

CANTON COMMITTEE  
CANTON SARAJEVO

Dj.br.07-01-196/23

Sarajevo, 31.08.2023.godine.

## **Saopćenje SSVOONKBIH Kantonalna organizacija Kanton Sarajevo povodom nedolaska ministra kultura i sporta Kenana Magode na seminar u organizaciji Sindikata.**

### **“NEKULTURNI MINISTAR KULTURE”**

Od 26. do 29. augusta 2023. godine, u organizaciji SSVOONKBIH (Sindikata srednjeg i visokog obrazovanja i odgoja, nauke i kulture Bosne i Hercegovine) Kantonalna organizacija Kanton Sarajevo, održan je tematski seminar za predsjednike 46 sindikalnih organizacija javnih ustanova u djelatnosti srednjeg obrazovanja, kulture i nauke u Kantonu Sarajevo.

Kao i ranijih godina, već tradicionalno, na seminar su pozvani, pored predavača iz raznih oblasti važnih za djelatnosti našeg Sindikata, i nadležni predstavnici izvršne vlasti u Kantonu Sarajevo – ministri odgoja i obrazovanja te kulture i sporta. Njihovo prisustvo ovom seminaru je jedinstvena prilika da u direktnom razgovoru sa najodgovornijim predstavnicima sindikata u duhu načela socijalnog partnerstva razmotre brojna pitanja i zajednički dođu do rješenja sa ciljem poboljšanja uvjeta rada radnika u ovim strateški najvažnijim društvenim djelatnostima.

Ove godine, kao i prošle, seminaru se odazvala ministrica odgoja i obrazovanja u Vladi Kantona Sarajevo, Naida Hota – Muminović. Kao prosvjetni radnik i bivši sindikalac (bila je članica Kantonalnog odbora SSVOONKBiH) savršeno je osjetila i potrebu i trenutak da se pred početak nove školske godine obrati predstavnicima sindikata i da u konstruktivnoj atmosferi i razgovoru sa predstavnicima prosvjetnih radnika razmijeni ideje, razmišljanja i rješenja u oblasti srednjeg obrazovanja.

Nažalost, isti taj osjećaj za radnike u oblasti kulture nije imao njen kolega iz Vlade Kantona Sarajevo, ministar Kenan Magoda. Iako je više puta zvanično pozivan, ministar kulture se vrlo nekulturno ponio, nije se udostojio niti da odgovori na poziv za učešće. Predloženo mu je da na seminaru govori o pozicioniranju djelatnosti kulture – vizijama i perspektivama. On se nije pojavio niti je delegirao nekoga iz ministarstva kao zamjenu iako mu je to u pozivu ponuđeno u slučaju njegove spriječenosti. Možda ministar nema viziju kulture u Sarajevu!? Ponudili smo mogućnost da sam odabere i bilo koju drugu temu koja bi njemu, ministru, odgovarala. A puno je tema o kojima su naši sindikalci iz kulture željeli razgovarati sa ministrom. Možemo samo zaključiti da Kenan Magoda nema taj osjećaj za kulturu, ili nema šta reći ili, jednostavno, nema vremena za razgovor sa sindikalnim predstavnicima jedanaest institucija kulture u Kantonu Sarajevo koji predstavljaju 410 radnika, odnosno oko 85% radnika u tim ustanovama.

Ovo je, u najmanju ruku, žalosno, jer je njegov prethodnik, ministar Mirvad Kurić, upravo na ovom seminaru, održanom prije tri godine, sa sindikalcima iz oblasti kulture u Kantonu Sarajevo dogovorio i nakon toga potpisao Kolektivni ugovor, prvi i za sada jedini u Bosni i Hercegovini za djelatnost kulture. Sasvim je jasno da je ministar Kurić kao profesionalac i glumac od imena i čovjek iz kulture imao taj odjećaj koji njegov kolega po funkciji Magoda nema.

Ovo je presedan, jer se nešto slično ranije nikada nije desilo. Na pozive za učešće na događajima našeg Sindikata odazivaju se predstavnici i zakonodavne i izvršne vlasti u Kantonu Sarajevo, a u slučaju spriječenosti, poštujući manire osnovne pristojnosti i kulture, opravdaju svoj nedolazak ili delegiraju drugu osobu. Sasvim ispravno prepoznaju ulogu, značaj i važnost sindikata. Nažalost, ministar Magoda ne!

PREDSJEDNIK

Admir Šuvalić